

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23) Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija) povodom zahtjeva Agencije za državnu službu Federacije Bosne i Hercegovine, broj: 04-45-1-333-1/25 od 30.01.2025. godine, za tumačenje odredbi člana 7. Kolektivnog ugovora za službenike organa uprave i sudske vlasti u Federaciji Bosne i Hercegovine, na 10. sjednici Komisije održanoj dana 25.03.2025. godine, donosi:

ODLUKU

o tumačenju člana 7. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbi člana 7. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

Državnom službeniku ili namješteniku, koji je za vrijeme probnog rada bio odsutan sa rada iz opravdanih razloga (bolest, mobilizacija i sl.) probni rad se može produžiti za onoliko dana koliko je bio opravdano odsutan, te se ima primjeniti za uposlenika povoljnije pravo, a na osnovu odredbe člana 19. stav (3) Zakona o radu („Službene novine Federacije BiH“ broj: 26/16,89/18 44/22 i 39/24) i odredbe člana 2. stav (2) Kolektivnog ugovora.

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

OBRAZLOŽENJE

Komisiji je dana 30.01.2025. godine, dostavljen zahtjev Agencije za državnu službu Federacije Bosne i Hercegovine, broj: 04-45-1-333-1/25 od 30.01.2025. godine, za tumačenje odredbi člana 7. Kolektivnog ugovora za službenike organa uprave i sudske vlasti u Federaciji Bosne i Hercegovine, u kontekstu mogućnosti produžavanja trajanja probnog rada državnom službeniku i namješteniku iz opravdanih razloga.

Imajući u vidu navode iz dostavljenog zahtjeva, Komisija ističe da je odredbom člana 1. Kolektivnog ugovora utvrđeno da se ovim kolektivnim ugovorom uređuju prava i obaveze državnih službenika i namještenika (u daljem tekstu: državni službenici i namještenici) iz rada i po osnovu rada na koje se primjenjuju propisi o radnim odnosima, plaćama i drugim naknadama državnih službenika i namještenika u federalnim organima državne službe, službenika sudske policije, federalnim ustanovama i drugim federalnim institucijama na teritoriji Federacije Bosne i Hercegovine

Odredbom člana 2. stav 1. Kolektivnog ugovora utvrđeno je da se propisom i općim aktima rukovodilaca organa državne službe i sudske vlasti ne mogu utvrditi manja prava državnih službenika i namještenika od onih koja su utvrđena ovim ugovorom i drugim propisima.

Odredbom člana 7. Kolektivnog ugovora utvrđeno je da se državnom službeniku ili namješteniku, koji je za vrijeme probnog rada bio odsutan sa rada iz opravdanih razloga (bolest, mobilizacija i sl.) probni rad produžava za onoliko dana koliko je bio opravdano odsutan.

Odredbom člana 19. st. (2) i (3) Zakona o radu propisano je da se kolektivnim ugovorom, pravilnikom o radu ili ugovorom o radu mogu utvrditi povoljnija prava od prava utvrđenih ovim zakonom, te da ako je neko pravo iz radnog odnosa različito uređeno ovim zakonom, kolektivnim ugovorom, pravilnikom o radu ili ugovorom o radu, primjenjuje se za radnika najpovoljnije pravo, osim ako to ovim zakonom nije izričito zabranjeno.

S tim u vezi, Komisija smatra da bi se imajući u vidu navedene okolnosti, na državnog službenika ili namještenika trebao primjeniti princip povoljnijeg prava za radnika utvrđen odredbom člana 19. stav (3) Zakona o radu.

Shodno navedenom, utvrđeno je tumačenje odredbi člana 7. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primjenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-42/25

Sarajevo, 25. 03. 2025. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Bojana Todorović



Samir Kurtović



Haris Karačić